


Calvin Maduro ta bai cinco inning den excelente forma y ta conduci Leones de Caracas victoria riba Caribes de Oriente

CARACAS-Un impecabel labor di e habridor Arubano, Calvin Maduro, durante cinco inning, caminda el a permiti solamente un hit, y a ricibi apoyo di e batenan alegre di Jose Castillo, Pedro Quero y Steve Torrealba, a hiba Leones de Caracas na su segundo victoria, e tercer pa loke ta bai di e temporada, contra Caribes de Oriente den stadion di La Cuidad Universitaria. Caribes awor ta suma su di seis derota pa loke ta bai di e temporada, y e tercer den forma consecutivo.

Calvin Maduro, pa Leones, y Joe Horgan, pa Caribes, tabata e habridornan di e wegá, caminda a rindi homenaje na e famia Morales den e persona di e ingeniero Pablo Morales, copropietario durante 48 aña di e franquicia di Leones, den e continuacion di actonan special den e conmemoracion di su 50 añanan. Calvin Maduro, den su segundo presentacion pa loke ta bai di e temporada, a cuminsa a mostra e recuperacion di su brazá, despues di e operacion cu el a wordo sometí na dje na su elleboog. Cinco inning excelente caminda el a tolera solamente un hit, esun di Victor Martinez den e promer inning, y mei dozijn di ponche tabata parce indicacion cu e ta cla pa duna bastante satisfaccion na e fanaticada di Leones.

"Mi ta sinti mi bon cu mi brazá y simplemente mi tin cu sigui gana e cantidad di pitcheonan, awe mi a haci 70 lanzamiento y poco poco mi lo yega na 100



lanzamento", Maduro a declara despues di e wegá. E bon labor riba monticulo di Maduro a wordo bon apoya for di e promer inning pa e ofensiva di Leones.

Leones a inicia e cierre di e promer inning cu un hit di Marco Yopez riba banda drechi y despues ta wordo imita pa Alejandro Prieto, loke a permiti Yopez keda riba e antesala mientras cu riba e hugada, Pierto ta yega segunda base. Inmediatamente Jose Castillo a saca batazo pa e banda drechi pa acredita su mes un doblete y impulsa Yopez y Prieto.

Den bom di e segundo inning, y despues cu Jackson Melian ta wordo poncha pa di diez biaha pa loke ta bai di e

temporada aki, Pedro Quero ta saca e bala for di parque na e banda robéz, y seguidamente, Steve Torrealba ta colecciona su tercer homerun di e temporada na e mesun lugar haciendo e score 4-0 na favor di Leones. Den cabamento di e tercer inning, despues di dos out, Wilfredo Romero ta saca hit simple pa centro di tereno y ta anota cu doblete riba e banda robéz di "El Beto" Mendez. Jackson Melian ta ricibi base por bolas y Pedro Quero, contra e relevista Luis Rafael Salazar, ta responde, den su segundo turno na bate di e anochi, cu un hit pa centerfield pa impulsa Mendez y laga core dornan na primera y

tercera. Steve Torrealba tambe ta conecta hit pa center pa impulsa Melian.

Den promer parti di e di shete inning, contra Jason Alcala, Liu Rodriguez y Victor Martinez ta entrega e dos promer outnan. Eliecer Alfonzo ta conecta doblete pa banda robéz, y despues di un base por bolas pa

Jose Francisco Malave, ta anota cu hit di Luis Rodriguez riba e banda drechi.

Caribes de Oriente, cu solamente un victoria pa loke ta bai di e temporada, lo mester enfrenta Cardenales de Lara ayera Diahuebs y Leones lo enfrenta e lidernan di e Division Occidental, Tigres de Aragua.